



1814

kat.komp.

Lotog. St. B.

P

*ukončen*

*1.2.13*  
*5093*

*~~1890. 14. 82~~*

*~~Popis 5192~~*

T

S.



# TRIVMPHVS

Thaumaturgæ Virginis

S. TERESIÆ à IESV,

FVNDATRICIS

1814 I

Ordinis Discalceatorum

CARMELITARVM

*cum*

*accepto nuntio, de eius felici inter  
Divos et commemorabiles  
adscriptione,*





CRACOVIA,  
PRIMUM EIVS SOLENNE  
INTEGRAM EDVRANS HEBDOMADAM  
INCOMPARABILI CVM CELEBRITATE,  
& incredibili cum humanorum  
affectuum ardore,  
sub finem Iulij, Anno D. 1622,  
celebraretur:

à  
M. LAVREN. SMIESZKOWICZ  
TYLIC. Eloquentiæ Professore,  
debitæ pietatis ergò,

*ad imaginem olim triumphantium  
Romae conscriptus Eademq; Virgini per  
Sanctae ac eius sacratae sobole  
dicatur.*



# Prosphonisis dedicatoria.

**T**ERESIAE familia sacratissima,  
Veneranda proles matris admirabilis,  
Relapsa caelo seculis hisce vltimis  
Casci Heliae propago, Carmeli decus,  
Selecta germina ciuium caelestium,  
Miracula mundi, Ecclesiae nitidissima  
Iubaria reprimentia tenebras seculi:  
Qui, grandibus animis graues ineptias,  
Inflata ventis, gloriae crepundia,  
Lenocinantis & vaferrimi illius  
Latronis, & graphici Sycophantae nimis  
Mundi potenter respiciitis, ob Dei  
Cordatum amorem; geminaq; peripsemata,  
Quasiq; purgamenta carnem olentium  
Fieri cupistis, mentibus celsis  
Vos nunc mi adeste, quae is c.  
Atq; inde tranquillata vis affectuum,  
Nudi pedibus, at spiritu magis intimo;  
Mellea furoris caelici placamina,  
Gratissimae Deo hostiae, accensae integrae,  
Propter libidinantis orbis crimina.  
Vos qui salutem quaeritis non bona hominum,  
Quiue misere agitis, vt sit aliis quam optime,  
Mundo procul, procul eius astragalis, quibus  
Par ludet impar, vt suam sortem ferat.



*Adeste mi Patres mei dulcissimi,  
Sine fraude, sine fuco, sine dolo, bonæ animæ.  
Pauperrimi, mitissimi, intenti Deo,  
Nulli molesti, pacis & cupidissimi;  
Non lucra nati ad vestra, sed ad vsum omnium,  
Sunt quorum opes, timor Dei atq; nuditas,  
Quos prædiorum nulla cum lancinat,  
Quos non honorum vrit sitis; procul & abest  
Mentita Christum vanitas, plurimum opulens.*

*Adeste spectatum triumphum amabilem  
Vestrae parentis, quæ Deo vos parturit:  
Non quem egit olim Roma petulantissima,  
Sed quem reposcit Sanctitas ipsissima.  
Si modò licet tenuare modulis humilibus  
Tanti triumphi granditatem maximam.  
Verum in piis, magnis licet facinoribus,  
Quicunque rectè voluit, opere functus est.*

*Itaq; mi adeste & hanc opellam admittite,  
Quam Academicus Academico dicat animo,  
Hac luce desponsationis mysticæ,  
Dum vestra mater, sponsa facta altissimi,  
Prendit coronam interminabilis osculi,  
Fit & honor eius cernuus in Ecclesia.*

*Ergo agite leti hoc tam triumpho nobili,  
Assymbolosq; Academicos ne credit.  
Corona vestra est, tanta matris gloria,  
Corona nostra est, matris huius gloria.*

*Signa*



Signa triumphalem currum  
præcedentia.

T Y P V S I.

*Infantulus Hercules elidens & suffocans,  
angues.*

**H**ercule maior, dia T E R E S I A,  
Animi magni maiora dedit  
Documenta, nimis virgo tenellula,  
Anguis vafri vafra consilia,  
Et quicquid serpit humi, acerrimo  
Nifu elidensque trucidansque.  
Infans æuum nondum egressa,  
Cum vix annum tangit septimum,  
Spectate, quibus ludis occupet  
Qualiue trocho, teneram ætatulam.  
Æquali cum fratre R O D E R I C O,  
Duo vermiculi, parua animalcula,  
Nati in magnum coeli obsequium,  
Horas sacras, diuum officium,  
(Creditis annon mundicolæ homines ?)  
Vatis sancti carmina sancta,  
Oretenello, ac infantilibus  
Linguis vltro citroque alternis  
Cantillabant, & balbutie



Puerili sacra meditabantur.  
Quid quòd in horto genitoris sui,  
Cellas humiles, arcta habitacula,  
Sibi fingeant, & eremo ceu  
Clausi, scenam diuinissimi  
Operæpretii iam tum agitabant,  
Ecce sed illud mage miraculum.  
Pigmæi gemini, par pusionum,  
Ambo pusilli pulli, bellula  
Fraudisque exors consociatio,  
Grandes Diuûm primitiæ, duo  
Agnelli, duo corcula, primulum  
Ætatis ver, ambo puelluli;  
Coniurârunt mediam in Turciam  
Pergere, & isthîc gladio percuti  
Pro venerando nomine CHRISTI.

Et iam tam grande iter arripiunt  
Animæ teneræ, & festinant mori  
Propter CHristi nomen honorum;  
Donec patrum fors obtruderet,  
Itere à medio, qui, retraxit  
Præmatturos nimium Martyres,  
Tacitâ voluens mente futura.

O secretum cæli maximum,  
O sententiam inexuperabilem,  
Calamo præscripsit quam adamantino  
Deus ille parens, cui libet hominum  
Hanc ad metam quilibet impetus,

A cunis



A cunis & prima infantia,  
Pede collimat sic hæsiuro :  
Quiq; in Sanctis numerandus erit,  
No nhic puerum genius deferet.

## Typus II.

Hercules Hydram colubris & capitibus  
pullulantem ferro & face opprimens, item  
leonem, aprum, & taurum interimens.

**C**Entum bella videns virgo **TERESIA**,  
Pugnasque impauido pectore cogitans,  
Fossis & validis turribus edita  
Propugnacula desiderat, undique  
Muro cingere se non penetrabili, &  
Vallis, terra quibus plurima adurgeat  
Gibbos, tergemino robore conditos:  
Hinc ut densa ruant, imber ut, impium in  
Hostem spicula; nec vulnere perdere  
Confidens iaculis improbitas queat  
Hostilis, timidam pacem agitantium.  
Ergo molliculis de stationibus  
Mundi, deq; domo mille periculis  
Obsessâ fugit, & relligiosum init

*Clastrum*



*Clastrum, clamq; aliis clamq; domesticis,  
Iam se perpetuo carcere mancipat.*

*O quos illa gyros solitudinum  
Hic perpeffa fuit, verbere quàm stetit  
Quassata hic vario; quos Erymanthios  
Vrsos, quos & apros, Marmaricas leas,  
Tauros, & colubris horribiles Hydras  
Fæcundas capitum, non sine maxima  
Lucta perdomuit, vinclaque subdidit  
Victis, terribilis docta negotij.*

*Languebat rabidis percita tediis  
Sanctam ingressa fugam, propositum tenax  
Mentis, quæ est melior pars hominis, ferâ  
Oppugnante anima, iamque sui immemor,  
Facta est sensuum inops. Ista rebellio  
Et præfracta animi motio cum viget,  
Hæc audentiùs it seq; animat ferox;  
Quamq; aggressa viâ est, perficit, haud malo  
Cedens impetui, culmen & occupat.*

*O quicumque hominum tendis in optima,  
Non credam hoc ego, nî tendis in ardua.*



# Typus III.

*Hercules Anthemum sublatum terra  
contrucidans.*

**V**ides vt altum proruit Anthemum  
Vis Herculis? quiq; ante domabilis  
Nequaquam erat, dum corpus eius  
Terra tenet, reparatq; gressum:  
At postquam ab imo corporeus Gigas  
Sublatus almi est viribus Herculis,  
Emarcuit vis eius omnis,  
Datq; manus meritis catenis.  
Corpus reluctans alma TERESIA  
Persensit olim, multa; praelia  
Depraeliata cum hoc, rebelles  
Illius extimuit sagittas.  
Examinatis nil rationibus,  
Hortatibus nil profuit aggredi  
Hostili obarmatum furore,  
Semper in hoc docile, vt repugnet.  
Ergo relictis suasibus irritis,  
Intaminatae virginis illa mens

Ex celsa, cælo se integram infert;  
Sensibus & viduata brutis,  
Corpus lutosa è materie satum  
(Trahens deorsum particulam Dei,  
Quæ inserta corpori caduco est)  
Retrahit: utq; habitare cælo  
Condiscat, vrget; moleq; ponderis  
Centro recursans attenuat nimis;  
Humoq; adhærentem istum asellum  
Nisibus Herculeis reuellit.  
Sic Diua cælo secla perennia  
Victura, corpus fecerat impigrum  
Ascensibus celsis Olympi:  
Ponderibusq; suis grauatum  
Leuabat alâ præpete spiritus.  
SIC quisquis hæres sydereæ domus  
Olim es futurus, condocere  
Corpus in hancce viam studeto.

## Typus IV.

Hercules Geryonem tricorporem  
conficiens.

*Ingens*



**I**ngens Geryon, sinuosa molle tricolor,  
Persensit dextram Hercule dignam.  
Quàm mage monstruosas vno ortas corpore laruas,  
Ter geminato robore diras  
Vicit, sternendis famosa TERESIA monstros?  
Carnis dira cupido, oculorum  
Deinde cupido furax, vehemensque superbia vitæ  
Hostes confecti iacuere.  
Scilicet humanis est indita sæua medullis  
Flamma vrens præcordia, legi  
Valde inimica internæ, nata reniti,  
Ireque in aduersum omnia contra,  
Quæ iubet æternis mens legibus informata,  
Iusque Iouis suprema tenentis.  
Hanc sequitur satiæ expers oculata cupido,  
Quæ lynces imitata videndo,  
Harpyias, oculis aliena vorando, figurat.  
Hinc pomposa superbia vitæ,  
Os humerosq; gerens resupina, alios reputansq;  
Vna præ se, villius alga.  
O quàm restinxit rabiosæ incendia carnis  
Alma virago TERESIA, & quàm  
Calcauit fastum turpem, innocuos & ocellos  
Continuit sancta in statione?  
Inspice, qui dubitas, vitam, ac exempla prebendens  
Isto Diuam carmine adom,  
Quàm meritò pulchro est inserta TERESIA cælo,  
Quæ vera in terris Dea vixit.

Typus

## Typus V.

*Hercules, Ceruam acripedem & aues Stymphalides, interficiens.*

**O** Virgo reparas in noua prælia (tuis  
Dextram : monstra licet tot pedibus  
Sint subiecta, gemantq;  
Anthêi cum Geryonibus.  
En alas agitans turgida opinio,  
In sanctis etiam materiem mali,  
Per ventosa popelli  
Flabra cum Zephyris, mouet.  
Hic ô quàm fuerat cauta TERESIA,  
Gnara in non minimo stare periculo,  
Expendens adamussim  
Quis mentem genius premat.  
Adstabant pauidæ hic sollicitudines,  
Et mens, quæ sibi nil vendicat, omnia  
Infra quam meruisset  
Ponebat; vitiosaq;  
Virtutum nitidi luminibus dabat  
(Nil conscire sibi sœta) vocabula,

Incru-



Incrustans malè sancta.

O felix ter & amplius,  
In sanctisq; priore ante alios loco  
Dignus, qui merita perdidit has nece  
Cervas aëripedes, &  
Vafras Stymphalides aues.  
Multi, inter rutilos Aligerum choros,  
Mirandis titulis conspicui forent,  
Nunc cælo se habitare  
Maturè ante obitum putent.  
MAGNA est in proprium fraus animum, & dolus,  
Supremisq; homines exitiis trahens,  
Se hac in carne sepultum  
Iouis credere filium.  
Hæc virtus cum aliis summa, TERESIAM  
Almam, sydereas intulit in domos,  
Exors quod vitii omnis,  
Nil hinc crediderit sibi.

## Typus VI.

Hercules Calpem & Abylam montes  
coniunctos diuidens.

**S**tupete gentes inclytam *TERESIAM*,  
Hercule terrifico, Magis stupendam posteris.  
Hic, perpetratis grandibus facinoribus,  
Ultimū hominem validus, Montes duos vastissimos,  
Velutq; fratres inuicem iunctissimos  
Et loco & ingenio, Emonit è radicibus,  
Fecitq; diffitos procul. Quos creditis  
Quamue pares socios, Corpus animamq; *TERESIA*,  
Diuulsit & discriminauit maximè &  
Hoc operæ pretium est Perfectionis cyclicæ,  
Dus prima puritatis integerrimæ,  
Pignus honorificum, Arrbaq; futura gloriæ.  
Hinc raptus ille perfrequens sacerrimæ  
Virginis extaticus, Dum corporis de tugurio  
Mens euolaret, sensuum planè inscia,  
Aethereamq; domum Inuiferit, gnata hospita.  
Hinc Angelus vibrans calentem lampada  
Assiduusq; comes; Fax cuius igne torrida  
Sanctam perurebat animam, dulcissimas,  
Sensibus his rudibus, obliuiones inserens.  
Hinc illa visa magna, celsa, mystica,  
Sermoq; cum superis, Expertibusq; corporum  
Cæli incolis. Hinc illa mens immobilis,  
Indocilisq; malum Animo vel ausis aggredi,  
Perge age virago, plena diui numinis:  
Scanditur his gradibus Cæli cacumen maximum.

Typus



## Typus VII.

*Hercules Centauros domans; latrones, ut Cacus  
& Lacinum, perimens.*

**N**on sic Cētauros abnormes, atq; Lacinos,  
Arripidesque Cacos,  
Latrones patriæ, bruchosq; meros populorum,  
Monstraque vasta hominum,  
Fuste graui & clauâ est assueta dolare potenti  
Herculis inclyta vis:  
Ut castigabat, veneranda TERESIA, monstra  
Hæreseon maculis  
Turpia. Nec tātū arguta Enthymemata torfit;  
At prece flammiauoma  
Et vitâ persanctâ tetra errata flagellans,  
Quàm his inimica fuit?  
Sensit eam rabidus, monstroso ventre, Lutherus,  
Bellua dira trifaux,  
Obsænus carnis defensor, sus lutulentus,  
Bestia sacrilega,  
Os incestum in sanctos, Sodomeūque lupanar,  
De Bābylone noua

Mille

Mille trahens secum exitialia monstra meretrix,  
Pestis Euangelij,  
Fax orbis, furui inferni hostia pinguis opima,  
Diabolus ex homine;  
Sensit eam, grandemque tulit sine fine ruinam  
Cum grege pestifero.  
Nam quando ille gigas furialia bella mouere  
Audet in Ecclesiam;  
Exoritur sydus diuina luce coruscum,  
Diua TERESIA, quæ,  
Et propriis armis, natorum torque suorum,  
Diruit exitium hoc.  
O si olim Belial in cælo fractus ab armis  
Angelicis fuerat;  
Non minus hic Belial, tenebrarū dira potestas,  
Hæreticus genius,  
Sternitur æterno casu per Virginem, & eius  
Angelicam sobolem.

### Typus VIII.

Fesso Atlante cælum fulciens.

**H***Elia* typus omnium,

*Qui*



Qui mundi phaleras atq; crepundia  
Forti pectore despuunt.  
Huic tantum tribuit cœlica veritas,  
Ut perfectio cyclica  
Ioannis, qui hominum maximus extitit,  
Sit ducta ex Heliae schola.  
Hic namq; in vetulis temporibus patrum,  
Vls centena nouem ampliùs  
Annorum, ante Deum carne reconditum,  
Author duxq; sacerrimus  
Vitæ prodierat cœlitus editæ,  
Carmeli (qui erat inclytus  
Mons caldæ Syriæ) summa per inuia.  
Hic vitæ Angelicus modus,  
Et morum studium cœlum erat eminens;  
Sub quod præualidos dedit  
Helias humeros, & nimium diu  
Atlante institit acriùs;  
Donec tempus edax religionibus  
(Descensum omnia sic amant)  
Abiudit minimis plenq; sub notis,  
Atq; egere vicariis  
Visa est auxilium, machina syderum.  
Hic spectata TERESIA  
Cœlum infert humeris, atq; scientiis  
Ipso versat id Hercule;  
Natorumq; suorum agmina tot fecit,

*Stelle quot rutilant polo.  
O multum memorandū ac celebrem vicem :  
Mutauit genus Helias,  
Mutauit se Helix Dia TERESIA.*

## Typus IX.

*Hercules Cerberum vinciens.*

**E**Rgo sydereas iam Domina in domos  
Monstrorumq; potens virgo TERESIA,  
Vt ne quid propriis non manibus foret  
Fractum, tendit ad infimos  
Pallentesq; Deos, compede triplici  
Seruantem patefacta ostia Cerberum  
Deuinctura; suos qui quoties vomit  
Latratus, toties domus  
Infernæ reboant & tremescit polus.  
Hunc vinctum supero sistere iudici  
Est ausa, atq; potis nostra TERESIA,  
Exemplo Herculeæ manus.  
O quot sunt hominum flagitiis viæ  
Obstructæq; fores, mira per istius  
Queis cælum petiit gesta, per arduam  
Virtutem? Dedit alteri



In se quâ imperium ; deinde ita se putans,  
Censeri vt cuperet puluere villior,  
( Efferet cùm innocuis castior Angelis )

Atq; vltra patientior,  
Quàm impartitum hominum conditionibus .  
Istis compedibus terrificum canem  
Traxit, nota polo nota bene inferis,  
Mundo soli ebrio suis

Curis ( quod voluit ) nil fuit agnita.  
QVICVNQVE esse cupit notus in Angelis,  
Mundo ignotus agat phrenetico, sibi  
Quàm notissimus intimè.

Crimen non pietas est, opere ex pio  
Ne fias minimi, quærere : maxima hæc  
Patris Luciperi, vultu animum occulens,  
Inferno apta superbia.

## Typus X.

Pandora ornatissima.

*Desine iam tandem vetus auum Penthesileas  
Iactare gloriosius ;  
Nil sibi vendicet hinc*

Quanquā ignara viri, fundisq; assueta rotandis,  
Assueta soli & pulveri,  
Docta que cornipedes  
Cervos & capreas cursu lassare fugaci  
Camilla famosissima.  
Delbora bella ciens  
Cedat huic, cedant Atalantæ omnesq; Lacænæ  
Amazonesque bellicæ;  
Quæ anteiêre viros,  
Ductricesq; ipsæ bellis præiêre timendis.  
Et quas venusta gloria  
Laudibus ingenij  
Fert super astravisque æquat sapientibus, istæ  
Primas dabunt TERESIAE  
Obsequioque aderunt.  
Submittent veteres sua laudum aulea Corynnæ,  
Saphoq; mellis Lesbij,  
Aspasiaq; Sophæ;  
Ipsaque Grachorum infelix Cornelia mater,  
Tergum sequetur pede humili.  
Hinc aderunt sociæ  
Pectora letitiis plenæ; CATHERINA Sophorum  
Victrix, & Urbis Romulæ  
Gloria celsa nimis.

Fabiola,



*æ Fabol, i Marcellæ, Euslochia, illa adamata  
Divino Hieronymo corcula.  
Ergo itaque ut veteres  
Excelsis animis, sic has librisq; præibat  
Plenis superni numinis;  
Quæis cumulata manet,  
Longè egressa viros, diu sapientia sensus.  
O Pallas una calica,  
Atq; opulenta magis  
Ingenio donisq; , quibus Pandora nitebat;  
Una obtinens dona omnium  
Dia virago TERES.*

## Typus XI.

*Invidia constricta.*

*Spectate monstium maximum,  
Informe, dirum, perditum,  
In crine carbonem, in genis  
Lutum ciuore luridum,  
Oculis ferociter sua  
Supercilia mo tantibus.  
Monstium recessus abduces*

Animo recondens, perfidum,  
Secum latenter prælians,  
Obscura, tenebricantia,  
Semperque recta pectora  
Circumferens; os melleum,  
Cor felle plenum gestitans;  
Taciturnum, & omnia de omnibus  
Captans & omnibus bonis;  
Inimicum, acerbum, pestilens.

Offert cibum ut te subruat  
Alloquitur ut te subnotet,  
Dilaudat ut te sauciet,  
Comonefacit ut exulceret,  
Demulcet ut te perduat.  
Fortuna tua dolor illius,  
Ærumna tua vita illius,  
Illi malum, tuum bonum,  
Illi bonum, tuum malum.

Monstrum hoc, lues geniti hominis,  
Occasiones quiritat,  
Quibus enecet miserè hominem,  
Morteque quid ampliùs velit.

Huic



Huic nomen est liuor malus,  
 Vespillo virtutum omnium,  
 Colubris caput habens oblitum,  
 Pectus malum, mens pessuma.  
 Hæc furere cepit in sacram  
 Viraginem, dentes feros  
 Vibrans, bonaque sub pessimis  
 Vocabulis opprobrio  
 Trahens, & am sancta illius  
 Opera remotæ nuncupans  
 Menti vel arti Dæmonis,  
 Perire eam volens, perit.  
 Quod, si ut homo Sanctam iudicat,  
 De sole talpa haud iudicat.

## Typus XII. Crux sanguine rubens.

**C**RUX ò crux Christi TERESIAE magna cupido,  
 Felicitatis epitome;  
 Vnum delictum, cor vnum, summa voluptas,  
 Amuletum & antidotum vnicum.  
 In cruce debellat quæ uis fugnantia centum,  
 Optata per crucem obtinet.

Dulcis

Dulcius huic nihil est quàm sub cruce mille cruc  
Tòrmenta mille perpeti.  
Contemptus, dolor, angorq; , ærumnosaq; cuncta,  
Dòs crucis erat vîngini.  
Non aliter sponso Christo se posse probari  
Nisi per cruces, certissima est.  
O vos qui, IESVM vita factisque secuti,  
Non irritò estis nomine;  
Vestra sit optatissima dos, crux mitis IESV,  
Milleq; cruces sub hac cruce.  
Quisquis diuitias & opes vanamq; requirit  
Aurum, crucem istam præferens,  
Aut se præferri gestit, gestitq; præire  
Sue eminentiæ expetens;  
Poscit auarè aliena, sibi se comprobat vni,  
Obsistit & agit perperam;  
Nil tolerans, grauis in cunctos cupit esse tyrannus,  
Saturq; honoris omnium:  
Ipsis principibus pro ludis reddere ludos  
Quisquis amat, obtrudens malum;  
Et vult magnificus se permiscere dynastis  
Valere plurimum ambiens,  
Innatatq; epulis cunctorum plenus abunde  
Christi obsonans bene seruulus;  
Euacuare crucem Christi se nouerit iste,  
Mundiq; cruce se esse obrutum.

Non



Non sic nūq̃, per sancta TERESIA sub cruce Christi  
Gemit, suū IESVM ambiens.  
Idcirco, cuius fuit crux, gloria cuncta,  
Inuenit in cruce gloriam,

## Inuitatio Cælitum per Ange- lum Custodem.

O tandem venerabilis  
Ad nos virgo TERESIA,  
Cælo debita iam diu,  
Transit, de lachrymabilis  
Mundi vallibus asperis.

Huic ordo Patriarchice  
Procedas agetum obuiam.  
Hæc virgo est Patriarchica,  
Helix (qui hominum fuit  
Miraculum & stupor omnium)  
Antiquissimi in omnibus  
Cascis patribus; ipsa mens,  
Et felix renouatio.

Huius germine ab inclyto,  
Troiano velut ex equo,

D

Orbi

Orbi tot data lumina,  
Cæli fulgida sydera.

Eia adfitis Apostoli,  
Et cælestis Euangelii  
Diuini historiographi;  
Christum hæc, vociferantibus  
Factis atq; libris, satis  
Mundo detonuit malo.

Festinate Prophetis  
Haustisq; augurijs polo  
Vates, facti homines Dij;  
Solem induta TERESIA,  
Admiranda Prophetiis,  
In vestras properat domos.

Omnis Regia cælitum,  
Doctorum ardua lumina,  
Confessorum, & amabilis  
Cæli turba Quiritium;  
Tuq; inter niuea exigens  
Aeuum dulce rosaria,  
Tu circumdate lilijs,  
Et vernans placidis rosis,

Albisque



Albisq; obrute floribus,  
Ornatissime virginum  
Cætus. Vos quoq; Martyrum  
Cordatissima in vltimum  
Punctum temporis agmina,  
Dira veste rubentia;  
Atq; in sanguine proprio,  
Per tormenta Busiridum  
Pro Christo fluitantia.

Eia exite morâ procul,  
Iam iam nostra TERESIA  
Confessoribus igneo  
Ore & corde simillima,  
Doctorem æmula maxima,  
Fax clarissima Virginum,  
Germana vnica Martyrum,  
Omnis Martyris omnia  
Tormenta (ach nimis) expetens,  
Magnorum tolerans diu:  
Iam terris parat exitum,  
Iam cælis reditum innouat.

Eia exite morâ procul

isq;ue

D 2

Vos

Vos Archangeli. & omnium,  
Per subsellia disita,  
Multis millibus ordinum,  
Candens Aligerum chorus.

Eia proni agite, & greges  
Vestris de ordinibus date.

Eia effundite vos polo,  
Atque examine plurimo  
Cunctam ambite TERESIAM,  
Alas subdite præpetes.

In vestris humeris ouans,  
(Sponsi torrida amoribus,  
Et languens nisi eum occupet,  
Languens morte valentiùs  
Sponsum vt possideat suum)  
Vult sponsus veniat sua,  
Flammans igne TERESIA;

Mergat se Oceano suo:  
Hoc torrente se inebriet,  
Potet flumina nectaris,  
Omnis Ambrosiæ, omnis &  
Mellis, iuncta suo vnico,  
Dilectissimo ah omnium.

Spon-



# Sponsus inuitat Diuam

TERESIAM.

*O tandem mea, tandem amica surge,  
Surge ad me mea tu columba surge.  
Ohe iam satis est molestiarum,  
Iam angorum satis, & satis laborum.  
Huc ad me mea tu columbula vna,  
Vnum delictumque, corculumque,  
Dulcedo mea, ver meum, mea æstas,  
Selectissima vineæ meæ vna;  
Frāgantissime de hortulo meo flos,  
Agri suaueolens mei manple,  
Præcellens triticum, optimumque vinum,  
Multò maxima portio meorum  
Sudorum, quibus abluisse mundum,  
Iam non pœnitet vsque & vsque prauum;  
Sat rarum pretium crucis cruentæ,  
Fusi sanguinis vna gutta felix.*

*Dilecta ô mea sponsa, sponsa cara,  
Ostendas faciem tuam mihi, vox  
Sponsæ perueniet meas in aures,  
Dulcis nam tua vox, genæ decoræ.*

D 3

De for

De foraminibus petra columba,  
Et de macerie cauernâ amica  
Hem surge, & prospera, venique Sponso.

Hyems frigorebus geluque dura  
Iam pertransiit, imber en recessit,  
Dispulsæ periêre tetricæque  
Nubes, iam rediêre amœnitates.  
Gratis floribus ista terra vernat,  
Tempus iam hîc placidæ putationis,  
Vocem turturis audit ista terra,  
Grossos protulit hîc ficus suos, hîc  
Florens vinea flat suos odores.

O quàm pulchra es amica, quâ decora es,  
En tui veluticolumbæ ocelli,  
Coccinum in labio tuo venusto,  
Mel in eloquio tuo suavi,  
Genis punica mala purpurascunt,  
Collum turris eburnea & polita,  
Maturo ubera pulchriora vino,  
Vestimenti odor, ô quàm, odor tenellus,  
Celsa est, palma velut, decens statura,  
Unus tu es paradisus, unus hortus,  
Dulcis sponsa, soror mea atq; amica.

Hic mellila mea, hîc cyprus, crocusq;

Hic Co-

*Hic costus, malobathra, balsamumq;  
Sed iam fac age scande amica, sponsa,  
Sicut virgula fumi odoris, altè  
Inferentis Olympicas se in arces,  
Ex myrrha, ex thymiamate, exq; thure:  
Ascende & propera in sinus amantis.  
O dulcis mea sponsa, amica dulcis,  
En vestis tua discolor coruscat;  
En & calceus est ianthineus;  
En byssus, polymita, duplicesq;  
Armilla in manibus tuis nitebunt,  
Aurem pendula in auris illigabit,  
Torques aurea collo in emicabit,  
Stellatum diadema, plenum honoris  
Verticem ambiet, atq; in hoc sedebit;  
Obryzo omnia fulva erunt ab auro,  
Argento atq; monilibus rigeant,  
Solis omnia more fulgurabunt.*

*Eia surge Aquilo, veniq; tu Auster,  
Hortum afflate meum, meaq; sponsa  
Ventulum date: sic meam TERESAM  
Perennante Fauonio beate.*



# Currus triumphalis Sanctæ T E R E S I Æ.

**E**rgo iam egreditur terris venerāda virago,  
Pro meritisq; suis magno mirāda triūpho,  
Aligerūm densis humeris infertur Olympo.

Vndiq; circumstant Diuorum millia Diuam,  
Passim quisq; suis testantur gaudia signis,  
Certatimq; illam curru sublimè sedentem  
Deducunt in magni sancta palatia Regis.

Currus erat solio spectatus desuper alto,  
Quo pulchrę celeresq; ibant niuæq; quadrigæ,  
Quattuor hæc dotes, olim quæ corpora cælis  
Sācta vehent, æternū animę iungenda sodali.

Ecce sed in celfo Regina T E R E S I A curru  
Incipit æuū agitare manens sine fine modoque;  
Insignisq; suo diademate, plena decoris,  
Temporis æterni fert signa in vertice stellas.

Aurea vestis erat, gemmarū ardore corusca,  
Plurima quæ, à summo nexu variata plicarum,  
In terram plena cum maiestate fluebat.

Dextra triumphalis lauri, læua inde ferebat  
Victricis palmæ speciosa cacumina ramos.

*Ipsa Dea*

Ipſa Dea arridens blandum, ſua lumina cælo  
Fert, oblita ſui deſiderijsq; fatiſcit,

Et ſpōſi, ach ſponſi languescit amore potēti.  
Interea dum tecta petit rutilantis Olympi,  
Et corpus viduum mēs illa beata relinquit,  
Agmina dēſa domū circūſtāt (quæ, vna ſororū,  
Aera dum implebant, oculis bene circumſpexit)  
Fama eſt, millenos decies feciſſe ſupremum  
Officium, mortem Chriſti pro nomine paſſos,  
Quos Diua impenſè noctesq; diesq; colebat.

Hic iam fragrātes, thymiamata cēlica, odores  
Lilia cum violis, nardo, caſiaq; roſisq;  
Efflabant viuos ſancto de corpore ventos.  
Scilicet hoc meruit ſacra manſio ſpiritus almi,  
Virgineiꝑ; decus, caſtiſſima corda, pudoris,  
Omnes vt flores illuc ſpiramina ferrent,  
Et natum putidum, eſſet vt immortale cadauer.

Quid quod magna ſacri præſētia numinis illis  
Artubus aſtabat, gelida etſi morte ſtuperent?  
O quot, peſte graui, diuerſoꝑ; agmine ſeptos  
Morborum, eripuit virgo hæc, tubitoꝑ; leuauit?  
Reddidit auditum turdis, oculosq; tuentes

E

Orbatis

Orbatis luce hac dedit, & quos vlla salutis  
Praua lues, febrisq; aut vis inopina teneret;  
Imò qui effosso æternùm mansisse sepulchrò  
Debuerant, primũ hos vitæ reuocauit ad vsum  
Si modò sacrati tangendi corporis esset,  
Cum iusto in Diuam affectu, facta potestas.

Talis honor decuit sacratos virginis artus,  
Cuius mens celso nunc exaltata triumpho  
Miscet se Superis; Triadisq; ingressa tremendæ  
Augusta atq; amsancta sacraria; plena repletur  
Vbertate Dei, torrentibus obruta plenis:  
Prædulci & sponso, thalamo sociata iugali,  
Æterna æternis agit æuum illius in vlnis.

## Sponsa Diua TERESIA suum alloquitur Sponsum,

**O** He iam te possideo, iam obe te  
Sponse mi dulcis teneo iam obe te,  
Omnium suprema beatitatum,  
Omnium dulcissima amœnitatum,  
Omnium grandissima faustitatum,  
Faustitas, dulcedo, beatitasq;.

O be iam te perfruor, in tuisq;

*Oscul*



Osculis vlnisq; perenne seclum  
 Viuo, nullo vnquam ferienda casu,  
 Omnibus roransq; bonis fluensq;  
 Eia circumponite floribus me,  
 Liliis vallate, rosisq; Hyblæis  
 Me ocyus; nam lingueo sponsi amore,  
 Cuius à desideriiis peribam,  
 Nunc sub vmbra eius latito, meoq;  
 Gutturifructum inde propino dulcem.  
 Eia adeste & latitiæ fluentia,  
 Mella, quæ torrentibus obruunt me,  
 Vastiora ipso Oceano, stupete.  
 En meum inueni, mea quem vnice mens  
 Diligit, supra omnia quem poposcit  
 Cor meum; inueni & fruor, hem cupito  
 Uno & 6 quàm delicio sitito.  
 Illius nunc meridior sub vmbra,  
 Eius auratos spatior per hortos,  
 Eius balantes tepeo inter auras.  
 Gaude & imis lætitiis triumpho  
 Hoc die sponsi mei, amica sponsa.  
 Vt solat quando horrea plena spectat  
 Messor; vt miles spoliis beatus;  
 Vt tener capræ hinnulus à parentis  
 Vibrat assultum vberis, subsilitq;  
 Transuolans colles tenerosq; montes;

Sponse mi, dilecte mi, amice mi, ô quàm  
Pulcher es, totusq; decore amictus  
En tui fulgorem agitant ocelli  
Vt columbæ iuxta fluentia aquarum  
Lacte lotæ, apteq; parantis alas.  
Optimum aurum eius caput, & capilli  
Auræ auroræ roseo nitore  
Fulgurabant; in labiis manebat  
Lilium myrrhæ, eiaculans odores.  
Vestis aurorans niue liliata  
In genis sol ipse habitus coruscus,  
Corporis, tanquam Lybani, statuni,  
Vt cedri electæ species honori;  
Nomen eius fusum oleum salutis,  
Nubium currus equitatus eius,  
Pulchritudo omnis, decor omnis, omne  
Quod stupeas, & quod ames, colisq;  
Omnis hîc ignem minitans pyropus,  
Syderis candorem adamas figurans,  
Et virescens pulchrum habitat smaragdus;  
Quicquid & lucis datur & diei,  
Omne id in sponsi specie enitescit.  
Ergo Regina stupuere miram  
Indolem sponsi, & iuvenes tenellæ  
Igneo in sponsum incaluere amore.  
Quis mihi det, quis mihi det meum te

Vnicum

Vnicum frutrem vberibus fruente[m]  
Vnicæ matris. Trabe post odorem  
Me tui vnguenti; omnia poma pro te  
Et noua afferuo & vetem: amplius me  
Vsq; & vsq; ad te trabe sponse amorum.

Eia iam myrrham simul ac aroma  
Messui; cum melle meum fauum edi;  
Iam bibi cum lacte meumq; vinum.

Eia amici chari epulemur & bibamus,  
Hauriamur plenum, & inebriemur  
Nectare augusto, Ambrosia perenni.

Sponse mi, dilecte mi, amate amor mi,  
Ignis ac ardor mi, & in æuiterna  
Secla consumatio p' ena pacis.

Pone me vt signacula supra tuum cor  
Pone me vt signacula supra tuumq;  
Brachium; nam lingueo amore multo.

Fortior quàm mors tua charitas est,  
Fortior dilectio quàm sagittæ  
A Gigantum viribus eurbantæ:  
Lampades eius validæ atq; acutæ,  
Lampades ignis rapide vorantis  
Omne, quod flammam venit in furentem.

Sponse mi, dilecte mi, amate amor mi,  
Ignis mi ac ardor decume, æuiterne,  
Semper eliquabor ab hoc tuo igne,



*Atq; in his foraminibus manebo,  
Sempiterno & vulnere sauciata,  
Vulneris iam in vulnere opem requiam.  
Sponse mi, omnes deliciae perennes,  
Vsq; te ardebo, loco amabo te omni,  
Nec te in inferno quoq; non amarem  
Vls perennis temporis omne punctum,  
Vls chaos æui, vlsq; profundam abyssum  
Seculi æterni, sine fine fixi;  
Donec extas tu Deus & manebis  
Orbis immensi vnicus imperator,  
Tu Deus languor meus, ô caput  
O meum desiderium sititum.*

## Turmæ suam ductricem se- quuntur.

Roma superba olim magnis celebrata triūphis,  
Quādo Imperator urbem inibat tripudians,  
Post tergum ipsius densissima signa videbat,  
Omnemq; militem Imperatoris boni.  
Aspicite ecquantas dux alma TERESIA turmas  
Post se trahit, quā gloriosum militem  
Ducit in excelsū, cælestia sydera, Olympum?  
Hi pauperem nudumq; Christum, pauperes  
Et nu.

Et nudi, haud vestigia per vitata sequuntur:

Mundiq; proiectis semel crepundiis,

Non agitat summo vapulados cum Ioue ludos,

Nec simias in purpura imitari solent.

Vt cygni atq; grues altissima culmina quærunt,

Aut arborum, aut celsissimarum rupium,

Vt nidos istic faciant, vitamque remo tam

Teste exigant cælo, procul strepitu hominũ:

Et procul à turbis, procul à farragine vulgi.

At passeres tritici publica calamitas,

Aularum furuis, plenis nidore, caminis,

Fumum inter & paramina varii cibi

Vitam agitant, nō tecta hominũ, non grana re-

Nōstræ aëriæ grues cygni q; cælici (linquũt.

Celsa petunt, cæloq; suas, facta omnia, curas

Figunt, reperti inter homines natos Dij.

O felix istis vasti orbis machina cygnis;

O & beata & tuta nostra his Lechia.

Hisce per immensum nidos facientibus orbem,

Perdēt suam vim nigra Pythagoræ mala.








CRACOVIAE,  
excudebat Matthias Andreouienfis:  
*sumptibus Generosi ac M. Domini,*  
D. BARTHOLOMÆI NOWODWORSKI,  
Equitis Melitenfis, &c.  
Anno D. 1622.



Biblioteka Jagiellońska



stdr0010283

